

КОМИ РЕСПУБЛИКАСА КОМИ КЫВ КОМИССИЯЛӨН

2011 вося ода-кора төлысь 3 лун

11 №-а

СЁРНИГИЖӨД

Волісны: Марков В.П., Цыпанов Е.А., Безносилова Л.М., Карманова А.Н., Коснырева Е.Г., Макарова Н.Д., Попова Н.А.

Видлалісны да сөгласуйтісны Коми Республикаса Оланподувлысь 65-71 статьяяс:

65 статья

Коми Республикаса оланпасьяс да мукөд инөда акт оз вермыны лоны паныд оланпасьяслы, кодьясөс каналан власьтлөн федеральной органьяс вынсьөдісны Россия Федерациялөн уджмогьяс серти.

Коми Республикаса оланпасьяс, кодьясөс вынсьөдөма сьлөн уджмогьяс серти, Коми Республикаын пөртсьөны олөмө веськыда да найөс быть колө пөртны олөмө быд юридическөй кывкутысьлы да торья мортлы. Федеральной оланпас да Коми Республикаса нормативной инөда акт мунөны кө паныд да сійөс йөзөдөмыс кө оз пыр Россия Федерациялөн веськөдланторйө, Россия Федерациялөн да Россия Федерацияса субъектьяслөн өтывь веськөдланторйө, сэки уджалө Коми Республикаса нормативной инөда акт.

(2000.10.17 лунся 61-РЗ №-а; 2003.12.01 лунся 72-РЗ №-а КР Оланпасьяслөн редакцияын)

66 статья

Коми Республика ачыс лөсьөдө республикаса каналан власьт органьяслысь системасө оланподув тэчаслөн мыджөдьяс серти, Россия Федерацияын каналан власьтлысь бөрийөм да олөмө пөртысь органьяс котыртан өтувья сюрөс серти да Коми Республикаса оланпастэчас серти.

Россия Федерациялөн да Россия Федерацияса субъектъяслөн отывь
 веськөдланторъяс серти Россия Федерациялөн веськөдланторъяс да Россия
 Федерациялөн уджмогъяс кузя Коми Республикаса олөмө пörтысь власьт
 органъяс пырöны Россия Федерацияса олөмө пörтысь власьтлөн öтувья
 тэчасö.

(мөд юкöныс 2000.10.17 лунся 61-РЗ №-а КР Оланпаслөн редакцияын)

Коми Республикаса олөмө пörтысь власьт органъяс олөмө пörтысь
 власьтлөн федеральной органъяскөд сёрнитчөмөн, тайö кö оз мун паныд
 Россия Федерацияса Оланподувлы да федеральной оланпасъяслы, вермöны
 босьтны ас вылö олөмө пörтысь власьтлөн федеральной органъясөн сетöм
 уджмогъяс, а сідзжö сетны олөмө пörтысь власьтлөн федеральной
 органъяслы ассыныс öткымын уджмог.

(коймөд юкөнсö пыртöма 2000.10.17 лунся 61-РЗ №-а КР Оланпасөн)

67 статья

Коми Республикаса каналан кывъясөн лоöны коми да роч кывъяс.

Республикаын олысь войтырлы Коми Республика сетö тыр позянлун
 пörтны олөмө чужан кыв видзöм, сійöс велөдöм да сöвмөдöм вылö инöд.

68 статья

Коми Республикаса каналан канпас, дöрапас да кып, найöс серпасалöм
 да официальной вöдитчанног урчитö Коми Республикаса оланпас.

69 статья

Коми Республикалөн юркарыс Сыктывкар.

(2009.05.22 лунся 38-РЗ №-а КР Оланпаслөн редакцияын)

70 статья

Коми Республикаö артмö административной да мутас юкөнъясысь:

Изьва, Княжпогост, Койгорт, Кӧрткерӧс, Луздор, Сыктывдін, Сыктыв, Мылдин, Удора, Емдин, Куломдин, Чилимдин районьясысь;

Сыктывкар, Воркута, Вуктыл, Инта, Печора, Сосногорск, Усинск да Ухта республиканскӧй тӧдчанлуна карьясысь да наува мутасьясысь.

Коми Республика ачыс видлалӧ-вежлалӧ республикаса административнӧй да мутас тэчасногсӧ ӧнія оланпастэчас серти.

II ЮКОД.

4 юрпас. ОЛАНПАС ПЫРТЫСЬ ВЛАСЬТ

(2001.10.12 лунся 45-РЗ №-а КР Оланпаслӧн редакцияын)

71 статья

Коми Республикаса Каналан Сӧвет лоӧ Коми Республикаса пыр уджалан медвылыс да дзик ӧти бӧрйӧм да оланпас пыртысь власьт органӧн.

Каналан Сӧветӧ пырӧ 30 депутат, кодьясӧс бӧрйӧны Коми Республика мутасын олысь Россия Федерацияса граждана, кодьяслӧн эм федеральнӧй оланпас серти активнӧй бӧрйысян инӧд, ӧтувья, быдӧнлы ӧткодь да веськыд бӧрйысян инӧд серти гусьӧн гӧлӧсуйтӧмӧн.

(2002.07.16 лунся 65-РЗ №-а КР Оланпаслӧн редакцияын)

Каналан Сӧвет бӧрйӧны нель во кежлӧ.

Каналан Сӧветлӧн эмӧсь юридическӧй кывкутысьлӧн инӧдьяс, эм канпаса печат.

Коми Республикалӧн Каналан Сӧветса депутатӧ вермасны бӧрйыны Россия Федерацияса гражданинӧс, кодлы тырӧма 21 арӧс да кодлӧн эм федеральнӧй оланпас серти, Коми Республикаса Оланподув да Коми Республикаса оланпас серти пассивнӧй бӧрйысян инӧд.

Коми Республикаса Каналан Сӧветӧ бӧрйысянногсӧ урчитӧ Коми Республикаса оланпастэчас Россия Федерацияса оланпастэчас серти.

Каналан Сӧвет аслас уджас ачыс видлалӧ котыртан, инӧда, юӧртан, материалӧн да техникаӧн да сьӧмӧн могмӧдан юалӧмьяс.

Коми Республикаса Каналан Сöвет удж нуöдöм вылö рöскöдсö
урчитöны Коми Республикаса республиканскöй сьöмкудйын торъя визьöн.

(2003.12.01 лунся 72-РЗ №-а КР Оланпаслöн редакцияын)

Комиссияöн веськöдлысь

В.П.Марков

Комиссияöн веськöдлысьöс вежысь

Е.А.Цыпанов

Кывкутысь секретар

Е.Г.Коснырева